



Na osnovu člana 9. Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine FBiH“, broj: 17/14) i člana 14. Statuta općine Tešanj ("Službeni glasnik općine Tešanj", broj: 11/07), Općinsko vijeće Tešanj, na redovnoj sjednici održanoj dana, _____ 2020. godine, d o n o s i

R J E Š E N J E

o imenovanju Komisije za provođenje javnog nadmetanja-licitacije u postupku prometa općinskim zemljištem

Član 1.

Komisija za provođenje javnog nadmetanja - licitacije u postupku prometa općinskim zemljištem (u daljem tekstu: Komisija), imenuje se na period do 31.12.2020. godine u sastavu, kako slijedi:

1. Sedina Hodžić, predsjednica komisije
2. Hajrudin Alić, zamjenik predsjednika
3. Nermin Deljkić, član
4. Amir Piro, zamjenik člana
5. Haris Jašić, član
6. Edin Mahmutović, zamjenik člana

Član 2.

Obaveza Komisije je da postupak nadmetanja- licitacije nekretnine provede u skladu sa odredbama Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine FBiH“, broj: 17/14).

Član 3.

Komisija o postupku nadmetanja-licitacije vodi zapisnik u koji se unosi cijeli tok postupka i sve ponude stavljene od pojedinih učesnika, kao i stavljeni prigovori.

Nakon okončanog postupka nadmetanja-licitacije, Komisija je obavezna svu dokumentaciju vezanu za provedeni postupak dostaviti Službi za katastar, urbanizam i imovinsko pravne poslove.

Član 4.

Komisija za provođenje nadmetanja-licitacije za svoj rad odgovara Općinskom vijeću.

U slučaju spriječenosti prisustva licitaciji, članovi Komisije i zamjenici članova su dužni da 3 (tri) dana ranije obavijeste općinski organ nadležan za imovinsko pravne poslove o istom.

Naknada za rad članovima Komisije iz tačke 1. ovog Rješenja se isplaćuje shodno Odluci o naknadama za rad vijećnicima i članovima komisija koje imenuje Općinsko vijeće ("Službeni glasnik Općine Tešanj", broj: 5/14).

Član 5.

Administrativne poslove za Komisiju obavlja lice koje koordinira rad Komisija vijeća.

Član 6.

Ovo Rješenje stupa na snagu nakon objave u "Službenom glasniku Općine Tešanj".

Dostavljeno:

1. Općinsko vijeće Općine Tešanj.
2. Služba za katastar, urbanizam i imovinsko-pravne poslove.
3. U spis i arhiva.

PREDSJEDAVAJUĆI
OPĆINSKOG VIJEĆA

Senad Subašić, dipl.oec.

OBRAZLOŽENJE

PRAVNI OSNOV:

Pravni osnov za donošenje ovog rješenja sadržan je u Pravilniku o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine FBiH“, broj: 17/14) i članu 14. Statuta općine Tešanj ("Službeni glasnik Općine Tešanj", broj: 11/07).

RAZLOZI DONOŠENJA:

Shodno članu 363. stav 2. Zakona o stvarnim pravima ("Službene novine FBiH", broj: 66/13) donesen je Pravilnik o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Službene novine FBiH“, broj: 17/14) kojim je u članu 9. propisano da postupak nadmetanja-licitacije provodi Komisija za sprovođenje javnog nadmetanja koju imenuje općinsko Vijeće, a koja se sastoji od predsjednika i dva člana, koji imaju zamjenike.

Zadaci i obaveze Komisije propisani su odredbama Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova, a posebno odredbama člana 9. do člana 23. ovog Pravilnika.

Općinsko vijeće Općine Tešanj je Rješenjem, broj: 01-30-9-177-33/18 od 01.02.2019. godine imenovalo Komisiju za provođenje javnog nadmetanja-licitacije u postupku prometa općinskim zemljištem za period 01.01. do 31.12.2019.godine, koje je obavljeno u „Službenom glasniku Općine Tešanj“, broj: 1/19.

Obzirom da je mandat Komisije istekao, potrebno je imenovati Komisiju, te se dostavlja prijedlog ovog Rješenja Općinskom vijeću na razmatranje.

OBRAĐIVAČ:

Služba za katastar, urbanizam i imovinsko-pravne poslove
POMOĆNIK OPĆINSKOG NAČELNIKA

NADIR Medarić, dipl. ing. geodezije

PREDLAGAČ: OPĆINSKI NAČELNIK: OPĆINE TEŠANJ

Mr. sci. SUAD Huskić



Broj: 02-24-61/20.
Dana, 23.01.2020. godine